

## REGLUGERÐ FRAMKVÆMDASTJÓRNARINNAR (EB) nr. 750/2001

2002/EES/53/04

frá 18. apríl 2001

um breytingu á II. viðauka við reglugerð (EBE) nr. 2377/90 þar sem mælt er fyrir um sameiginleiga aðferð til að ákvarða hámarksmagn leifa dýralyfja í matvælum úr dýraríkinu (\*)

FRAMKVÆMDASTJÓRN EVRÓPUBANDALAGANNA  
HEFUR,

með hliðsjón af stofnsáttmála Evrópubandalagsins,

með hliðsjón af reglugerð ráðsins (EBE) nr. 2377/90 frá 26. júní þar sem mælt er fyrir um sameiginlega aðferð til að ákvarða hámarksmagn leifa dýralyfja í matvælum úr dýraríkinu <sup>(1)</sup>, eins og henni var síðast breytt með reglugerð framkvæmdastjórnarinnar (EB) nr. 749/2001 <sup>(2)</sup>, einkum 6., 7. og 8. gr.,

og að teknu tilliti til eftirfarandi:

- 1) Í samræmi við reglugerð (EBE) nr. 2377/90 verður smám saman að ákvarða leyfilegt hámarksmagn leifa allra lyfjafræðilega virkra efna sem eru notuð í bandalaginu í dýralyf fyrir dýr sem gefa af sér afurðir til mannelis.
- 2) Ekki skal ákvarða leyfilegt hámarksmagn leifa fyrr en nefndin um dýralyf hefur kannað allar viðeigandi upplýsingar varðandi skaðleysi leifa viðkomandi efnis fyrir þá sem neyta matvæla úr dýraríkinu og áhrif þessara leifa á iðnaðarvinnslu matvæla.
- 3) Við ákvörðun á leyfilegu hámarksmagni dýralyfjaleifa í matvælum úr dýraríkinu er nauðsynlegt að tilgreina dýrategundirnar, sem leifarnar kunna að finnast í, magnið, sem má vera í hverjum viðkomandi vef úr dýri sem hefur fengið lyfjameðferð (markvef), og hvaða eiginleikar leifarinnar skipta máli við eftirlit með leifum (leifamerki).
- 4) Til að auðvelda eftirlitið með leifum sem kveðið er á um í viðeigandi löggjöf bandalagsins skal að jafnaði ákvarða leyfilegt hámarksmagn leifa í markvefjum lifrar eða nýrna. Hins vegar eru lifur og nýru oft

fjarlægð úr skrokkum í alþjóðaviðskiptum og því ætti einnig ávallt að ákvarða leyfilegt hámarksmagn leifa í vöðva- eða fituvef.

- 5) Þegar um er að ræða dýralyf fyrir varpfugla, mjólkandi dýr eða býflugur skal einnig ákvarða leyfilegt hámarksmagn leifa í eggjum, mjólk eða hunangi.
- 6) Bæta skal asetýlsalisýlsýru, asetýlsalisýlsýru DL-lýsini, karbasalatkálsíum og natríumasetýlsalisýlati við í II. viðauka við reglugerð (EBE) nr. 2377/90.
- 7) Veita skal nægilegan frest áður en þessi reglugerð öðlast gildi svo að aðildarríkin fái svigrúm til að gera þær breytingar, sem kunna að vera nauðsynlegar með tilliti til ákvæða þessarar reglugerðar, á markaðsleyfum sem hafa verið veitt fyrir viðkomandi dýralyf í samræmi við tilskipun ráðsins 81/851/EBE <sup>(3)</sup>, eins og henni var síðast breytt með tilskipun framkvæmdastjórnarinnar 2000/37/EB <sup>(4)</sup>.
- 8) Ráðstafanir, sem kveðið er á um í þessari reglugerð, eru í samræmi við álit fastanefndarinnar um dýralyf.

SAMÞYKKT REGLUGERÐ ÞESSA:

1. gr.

Ákvæðum II. viðauka við reglugerð (EBE) nr. 2377/90 er hér með breytt eins og fram kemur í viðaukanum við þessa reglugerð.

2. gr.

Reglugerð þessi öðlast gildi á þriðja degi eftir að hún birtist í Stjórnartíðindum Evrópubandalaganna.

Hún kemur til framkvæmda sextíu dögum eftir birtingu hennar.

(\*) Þessi EB-gerð, sem birtist í Stj. 109, 19.4.2001, bls. 35, var nefnd í ákvörðun sameiginlegu EES-nefndarinnar nr. 12/2002 frá 1. mars 2002 um breytingu á II. viðauka (Tæknilegar reglugerðir, staðlar, prófanir og votun) við EES-samninginn. Sjá EES-viðbæti við Stjórnartíðindi Evrópubandalaganna nr. 21, 25.4.2002, bls. 2.

<sup>(1)</sup> Stj. 224, 18.8.1990, bls. 1.

<sup>(2)</sup> Stj. 109, 19.4.2001, bls. 32.

<sup>(3)</sup> Stj. 317, 6.11.1981, bls. 1.

<sup>(4)</sup> Stj. 139, 10.6.2000, bls. 25.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 18. apríl 2001.

*Fyrir hönd framkvæmdastjórnarinnar,*

Erkki LIIKANEN

*framkvæmdastjóri.*

\_\_\_\_\_

## VIÐAUKI

Ákvæðum II. viðauka við reglugerð (EBE) nr. 2377/90 er breytt sem hér segir:

## 2. Lífræn efnasambönd

| Lyfjafræðilega virk efni    | Dýrategundir                     | Önnur ákvæði                                                                                                |
|-----------------------------|----------------------------------|-------------------------------------------------------------------------------------------------------------|
| „Asetýlsalisýlsýra          | Nautgripir<br>Svín<br>Kjúklingar | Ekki ætlað dýrum sem gefa af sér mjólk til manneldis<br>Ekki ætlað dýrum sem gefa af sér egg til manneldis  |
| „Asetýlsalisýlsýru DL-lýsín | Nautgripir<br>Svín<br>Kjúklingar | Ekki ætlað dýrum sem gefa af sér mjólk til manneldis<br>Ekki ætlað dýrum sem gefa af sér egg til manneldis  |
| Karbasalatkalsíum           | Nautgripir<br>Svín<br>Kjúklingar | Ekki ætlað dýrum sem gefa af sér mjólk til manneldis<br>Ekki ætlað dýrum sem gefa af sér egg til manneldis  |
| Natríumasetýlsalisýlat      | Nautgripir<br>Svín<br>Kjúklingar | Ekki ætlað dýrum sem gefa af sér mjólk til manneldis<br>Ekki ætlað dýrum sem gefa af sér egg til manneldis“ |